

BCG e Pro Senectute: cussegliaziun da finanzas gratuita e curs per senioras e seniors

Cuira, ils 11 d'avust 2014 – La Banca Chantunala Grischuna (BCG) e la Pro Senectute Grischun organischeschan danovamain curs communabels davart il tema daners e finanzas. Vinavant cussegla in expert independent senioras e seniors gratuitamain en connex cun dumondas da daners e da la facultad.

La Banca Chantunala Grischuna s'engascha dapi il 2006 sco partenaria da la Pro Senectute Grischun en favur da senioras e seniors. Ella sustegna occurrenzas, purschidas da curs e cussegliaziuns e promova uschia l'independenza e la qualitat da viver en la vegliadetgna.

Cussegliaziun da finanzas BCG gratuita

Ina part da l'engaschament da la BCG è la cussegliaziun da finanzas gratuita e nunlianta. Arthur Soliva, l'anteriur cussegliaader da la BCG pensiunà ha in'experientscha da blers onns ed enconuscha fitg bain las dumondas dals seniors. El fixescha termins cun las personas interessadas e las cussegla mintgamai la mesemna ed il venderdi da las 14.00 fin las 17.00 tar la Pro Senectute Grischun en l'Alexanderstrasse 2 a Cuira. Las cussegliaziuns persunalas cumpiglian scleriments davart fatschentas da daners, dumondas en connex cun la segirtad finanziaza en la pensiun u tips per optimar la taglia.

Curs en connex cun temas da finanzas

In ulteriur champ cumpiglia ils curs davart daners e finanzas che la BCG e la Pro Senectute organischeschan communablamain. Ils temas s'orienteschan als basegns da personas pli veglias e lur confamigliars. En la [purschida da curs actuala](#) pon ins prender invista dal program per il 2. mez onn 2014. Ulteriuras infurmaziuns pon ins retrair da la [Banca Chantunala Grischuna](#) e da la [Pro Senectute Grischun](#).

A dumondas en connex cun il partenadi da la BCG e la Pro Senectute respunda gudent:
thom.mueller@gkb.ch, manader medias & IR | +41 81 256 83 11

P.pl. contactar la Pro Senectute Grischun per fixar termins:

+41 81 252 75 84, finanzberatung@gr.pro-senectute.ch, www.gr.pro-senectute.ch

Banca Chantunala Grischuna – il leader en il Grischun

La Banca Chantunala Grischuna porscha tut quai ch'i dovra per ina banca universal moderna – per persunas privatas, l'economia ed il maun public. La banca occupa 1'071 collavuraturas e collavuratur (stadi dals 30-06-2014). En il chantun Grischun cun sias numerusas vals e pliras linguas, è l'interpresa represchentada cun 65 agenturas, la sedia principala sa chatta a Cuir. La Banca Chantunala Grischuna è participada a la Banca Privata Bellerive SA ed a la Private Client Bank SA a Turitg. En il rendaint semestral preschenta ella cun ina summa da bilantscha da CHF 20,236 milliardas in gudogn brut consolidà da CHF 109,2 milliuns. Il scrit da participaziun BCG è quotà a la bursa dapi ils 10 da settember 1985.

Termins

Quint annual 2014:	6 da favrer 2015
Radunanza dals participants:	28 da mars 2015

Pro Senectute Grischun

Pro Senectute è la pli gronda organisaziun da servetschs professiunala en favur da persunas attempadas en Svizra. En il Grischun è ella activa dapi il 1919. La Pro Senectute Grischun s'engascha per il bainstar, la dignità ed ils dretgs da persunas pli veglias. Sis posts da cussegliaziun en il Grischun cun 20 collavuraturas e collavuratur cumpetents e var 500 emploiads a temp parzial, persunas en uffizi d'onur e voluntaris offran numerusas puschidas da servetsch. Per exempel cussegliaziuns socialas, servetschs per ina vita autodeterminada a chasa, ina puschida vasta da curs da furmaziun e puschidas da moviment. Cun projects da generaziun e lavur per la cuminanza s'engascha la Pro Senectute Grischun per il barat tranter las generaziuns e l'integraziun da persunas attempadas en la societad.

Il 1942 è l'organisaziun Pro Senectute Svizra vegnida certifitgada cun il sigil da qualitat ZEWO. Il label undrescha organisaziuns d'utilità publica per lur diever conscienzius da daners da donaziuns. L'organisaziun e la gestiun da Pro Senectute Svizra s'orientescha a las normas dal Swiss NPO-Code.